



Զահրատ

Երջանիկ բանաստեղծը

Բանաստեղծ եմ երջանիկ

Որ դուռը կամ որուն դուռը որ զարնեմ

Զիս կ'ընդունին գրկաբաց

Ժպիտներուն ամենն քաղցրն իրենց դէմքին վրայ կը շողայ

Երջանկութիւնն այս է կ'ըսեմ ես ինծի

Որ դուռը կամ որուն դուռը որ զարնեմ

Կոնակի վրայ կը բացուի

Ասպանջական երգ մը կ'իջնէ հոգիս մէջ մեղրի պէս

Ամեն մէկ դուռ մտերմօրէն կը բացուի

Ամենն տաք բարեկեցութիւն կ'արժարծի հուրը սրտիս

Ու կը մոռնամ ինչու եկայ ինչու այս դուռը զարկի

Երջանկութիւնն այս է կ'ըսեմ համոզուած

Բանաստեղծ եմ երջանիկ

Եւ այս գիշեր երբ բոլորուիք դուք սեղանին շուրջ ճաշի

Երբ առօրեայ ձեր հոգերէն ձերբագատ

Մանրէք շերտը թարմ հացին

Սպասս մըն ալ ինծի դրէք մէկ անկիւնը սեղանին

Գուցէ կու գամ ու ձեր դուռը կը զարնեմ